

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 15.11.2018թ. թիվ 1808796787 որոշումն անփոփոխ, իսկ վարչական բողոքն առանց բավարարման թողնելու

մասին
<<04>> 12 2018թ. 14-13-124980-18/17-13-11214

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Սարգիս Հովհաննիսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Բաշինջաղյան 2-րդ նրբանցքի 12-րդ շենքի 43-րդ բնակարանի բնակիչ Սարգիս Հովհաննիսյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 15.11.2018թ. թիվ 1808796787 որոշումը՝ նշելով, որ դժվարացել է շարունակել երթևեկությունը:

Դիմումի քննարկման արդյունքում պարզվել է, որ վարչական բողոքը ենթակա է մերժման՝ հետևյալ պատճառաբանությամբ.

Ճանապարհային ոստիկանության վարչական տույժ նշանակելու մասին 15.11.2018թ. թիվ 1808796787 որոշման հիմքում դրված տեսանյութը փաստում է, որ 30.10.2018թ.-ին ժամը 16:21-ին դիմումատուին Երևան քաղաքի Մամիկոնյանց – Ազատություն փողոցների խաչմերուկի տարացքում կանգառ է կատարել երթևեկելի մասի եզրից հեռու, ինչը ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշմամբ արգելված է և Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասով սահմանված է տուգանք՝ 5.000 ՀՀ դրամի չափով:

Միաժամանակ հայտնում եմ, որ Վարչական իրավախախտումների վերաբերյալ ՀՀ օրենսգրքի 124-րդ հոդվածի 39-րդ մասի համաձայն՝ սույն հոդվածի 21-րդ և 25-րդ մասերով (միայն կանգառ կատարելու մասով) նախատեսված վարչական իրավախախտումն ունի նվազ նշանակություն այն դեպքում, երբ կանգառը կատարվել է միայն ուղևորների նստելու կամ իջնելու նպատակով, **չի գերազանցել մեկ րոպե ժամանակահատվածը**, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել:

Ինչ վերաբերվում է դիմումատուի այն պնդմանը, որ կանգառ կատարելուց հետո դժվարացել է շարունակել երթևեկությունը, ապա իրավախախտումն ամրագրած տեսանյութի լրացուցիչ ուսումնասիրության արդյունքում պարզ է դարձել, որ նա կարող էր անարգել վերսկսել երթևեկությունը, տվյալ ժամանակահատվածի ոչ ինտենսիվ երթևեկության պայմաններում:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 15.11.2018թ. թիվ 1808796787 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Սարգիս Հովհաննիսյանին:



Ե.Կարապետյան